

۱۳۰۲

۱۳۰۲

۱۳۰۲

۱۳۰۲

馮氏錦囊秘錄痘疹全集卷十一 餘毒門

松江蒲溪李林馥啟賢氏重校

男 乾亨禮齊

海鹽馮兆張楚瞻甫纂輯

門人孫顯達惟良仝較

男 乾貞幹臣

餘毒諸論

夫痘密漿清。痂後或發癰腫。人固知為餘毒矣。殊不知氣高而喘。息作聲。掀胸。擡肚者。餘毒之在肺也。痰涎稠粘。咬牙。戛齒。泄瀉。口臭者。餘毒之在脾胃也。盜汗而發熱。煩渴。睡中多驚者。餘毒之在心也。目痛。善怒。餘毒之在肝也。耳聾。尚熱。餘毒之在腎也。身腫不消。壯熱不清。鬱鬱不樂。諸經皆有餘毒也。

痘科云。痘後餘毒。一者疥。二者癰。三者目赤。疥者心病也。癰者脾病也。目赤者肝病也。然胎毒之發。五臟各有一名。心為班。脾為疹。肺為膿。肝為水泡。腎為黑陷。即發熱之初。五臟俱有現症。如呵欠驚悸。屬心。項急頓悶。屬肝。噴嚏咳嗽。屬肺。吐瀉昏睡。屬脾。耳聾足冷。屬腎。可獨餘毒。只言三臟。况三臟之症。又不止於此。或者舉其重而言之。欲人推廣。以及耳。如毒歸於心。則為斑疹。為驚。博為壯熱。為丹瘤。為諸血證。如毒歸於肝。則為目赤。為耳腫。為乾嘔。為諸目病。為手足拘攣。如毒歸於肺。則為咳。為喘。為衄血。為肩臂疼痛。或瘡乾燥。皺揭。如毒歸於脾。則為口穢。為吐瀉。為腫脹。為腹痛。為不食。為手足病。如毒歸於腎。則為黑陷。為多睡。為腰痛。為卒失聲。甚

則為敗瘡骨病而死。如毒歸腸胃則為泄利。為便膿血。為腸鳴失氣。為大便不通。如毒歸於膀胱則為小腹滿痛。為溺血。為遺尿。為頭腫痛。為目上視。惟臟腑氣血未至大虛。則餘毒不能內伏治者。失於清解。則毒氣逗遛經絡。外不得洩於肌表。內不得入於臟腑。聚而不去。遂為之癰。甚者頭項腦脇。手足肢節。盡此。凡痛根淺者易治。若根深蔓引。不獨一二處者。則為潰筋傷骨。而成廢疾。或綿延日久而死。至於目赤者。肝血既虛。火乘空竅也。疥癩者。血虛伏熱。乃毒之最輕者也。

夫痘順者。其本疎。其毒微。自然易出易靨。而無餘毒。險者其本密。其毒盛。自然難出。雖靨而有餘毒。逆者或陷伏。或倒靨。幸賴脾胃素強。調治又早。是以症雖得痊。而餘毒未盡。因乃發而為病。多犯疥癰。目赤。痘毒藉此消除。故凡痧落。而口不渴。身體無熱。大小便調。腹中無痛。精神漸壯。飲食漸加。痧癰紅潤者。此無餘毒也。若身熱而渴。謔語驚搐。六脉浮洪。腹痛吐瀉。或小便赤澀。大便堅秘。精神昏憤。痧癰赤紫。四肢倦怠。飲食減少者。此有餘毒伏藏也。便須審其表裏虛實。及陽虛陰虛。而加治之。然至痘瘡之後。則內外俱虛。最要避寒暑。戒洗澡。以養其表。節飲食。遠房室。以養其裏。倘表裏失調。榮衛氣逆。皆可成癰。成痘。豈必待因於何毒。故毒者偏陰偏陽。偏勝之所致。豈真有形惡劣之謂歟。又不可因虛而概用溫補。蓋靨後原宜清解餘毒。但不可太用清涼。蓋氣血大虛之後。寒多真寒。熱多假熱。熱去而寒易起也。至於痘未靨。痧未落之際。尤不可過用寒涼。速退其熱。否則未靨之痘。不藉燒癢。何自而靨。未落之痧。不藉陽和。何自而

慈其為害也甚矣。

痘癰治法。先宜審氣。而論虛實察部位。而加引經以治。如頭加白芷升麻川芎。上身倍加桔梗。手加薄荷。腰加桂仲。腿膝加牛膝。木瓜。是其畧也。若氣實能食。大便堅者。則用排毒散以疎利之。食小氣虛者。則十宣散之類。以托裏之。毒淺而小者。則用小柴胡湯。加減服之。外用拔毒膏以貼之。此治腫瘍之法也。若已成腫。則審其毒之重輕。或氣或血之虛弱。宜解毒而補托之。潰而成膿未破者。則用針以決去其膿。勿使內潰。如已潰破者。則一十全大補湯主之。兼畧解餘毒。此治潰瘍之法也。然氣血易凝滯於溥曲之所。故痘毒多發於手肘腕處。足膝臍中。其在手腕者。屬太陰肺。在足臍中者。屬太陰脾。並宜解毒內托散主之。然癰由於痘。而痘為陽毒。故謂痘癰多是實毒血熱。所以多用清熱涼血為主。然亦有氣血虛寒。元神虧弱者。而用涼血敗毒。必致成者。不能潰。潰者不能斂矣。故貴合宜而用。藥不執方也。

夫痘毒蘊於肌膚。而鬱熱不散。則榮衛不能運行。是以結為瘡癰。重則赤腫而成癰毒。未膿宜急解表消毒。令其易散。及已成膿。則宜涼血活血。解毒托裏。使其易愈。若膿已熟者。必須以針刺去其膿。外用膏貼不刺。則害傷筋骨。不貼則毒反內攻。然凡腫毒初起。血知痛色活。易種易膿。易收者。是有元氣而赤淺吉之兆也。反此者凶之徵也。并發於十二朝內者。多在腿脚。因痘毒之氣。傳注在下也。生於湧泉衝陽者凶。若成於足內踝太谿者死。以毒發於腎也。若在十六朝外者。其氣已升。毒隨上達。故多見於上部及頭項也。每多無事。

凡痘後有遍身瘡癬如疥如癩膿血浸淫皮膚潰爛日久不愈者此毒氣彌漫於皮膚宜升麻葛根湯類主之若因搗搗成瘡者只以百花膏塗之更有身發紅點不腫不痛者班也宜投化班湯加玄參地黃之類又有發為赤火丹瘤者此惡候也其毒紅腫作痛手不可近流移上下宜內用小柴胡加生地黃湯玄參化毒湯外用砭法去其惡血否則頭上起者過心即死足上起者過心腎即死

目病

痘毒之為目翳也自臟而達外治法只宜活血解毒而已蓋活血不至於熱解毒不至於冷五臟平和其翳自去切不可用點藥反致損睛若目閉淚出不敢見明惟黑暗處能開者此羞明症也及目中赤者並宜洗肝明目散主之若暗處亦不敢開者此目中有瘡也以望月砂散治之若能開目只視物昏暗不明者此血不足也宜四物加減主之然多由肝腎有虧當以地黃湯料其力更勝於四物若胞高腫而不流淚者乃脾經濕熱也當從升陽散濕目者精華之所聚清陽之所走也其所以為病者有二如赤腫暴痛紅障遮睛者此真陰不足風熱外乘病於有火者也治宜先散表邪以治標次為重濁滋水以治本則濁陰自散清陽自生目得血而能視矣如目無翳障或生白膜開目如平人視物則不見者此真陽不足內脫精光病於無火者也治宜大益真陽專從本治元陽得生於中精光自著於外倘徒事養血何以為如天與目而眸光明之用哉若妄加清涼發散則豈徒損目而已此張之鄙見也

咽痛

咽痛者。雖云餘毒。然症有數端。有風熱咳嗽。咽喉不利者。用甘桔防風湯。如咽痛壯熱。痘痕色赤。手足皆熱者。此餘毒未解也。用柴胡麥冬散。如咽痛而大便不實。口渴飲湯。手足不熱者。此脾胃虛寒也。宜五味異功散。即手指初捏似熱。久捏則冷者。此亦脾胃虛熱也。宜人參白朮散。如咽痛而大便黃色。手足指熱。發熱作渴。面赤飲冷者。此胃中實熱也。宜瀉黃散。或射乾鼠粘子湯。如平時向有咽痛。面色素白。兩足常冷。而痘後發熱。面赤作渴。飲湯上熱。足冷咽痛者。此足三陽虛。而無根之火上炎也。即有暫時足熱之症。亦係陰虛火動耳。凡遇此候。而在未痘之時。便當壯水之劑。以防臨痘腰痛音啞。變黑歸腎之症。及既出既靨。而有前候者。並用八味丸料。煎與恣飲。再用益氣湯類。助其脾肺。以滋化源。則火退藏而自愈矣。

二便秘利

痘瘡之後。有因熱毒未解。併於小腸。而小便不通者。宜利之。利而不通者。則宜升提清解。上竅通而下竅自利矣。更莫如清肺。肺氣清。而下輸膀胱也。尤莫若養陰。腎陰得而自能行水也。若併於大腸。而大便不通者。治宜下之。然痘後必虛。亦莫若養血。腸得血而自解也。更有泄瀉者。所屬有二。泄瀉而能食者。邪熱殺穀也。口渴者。邪燥津液也。脈盛者。內熱也。脈盛而數者。邪熱熾也。此為熱入大腸而泄瀉。宜清利之。如食少不渴。脈微小者。此裏氣虛。不能禁固水穀也。雖有小渴。亦津液耗損使然。治以理中湯加減。然至痘後則氣血大虛。凡遇瀉利。多從溫補。寧可

以不足之法治有餘。惟便痂皮膿血者。此熱毒入於大腸而利出。宜四物湯加芩連之類。待其利盡自愈。不可誤用劫瀉也。

囊種

屬後陰囊腫痛。胞脹如瓜者。是熱結膀胱也。治法有三。或疏肝以令展其疎泄之權。或清肺以得下輸降化之職。或直取膀胱。清利其熱。散其結氣。兼與利水。宜分虛實。以投所宜。實者直治本臟。虛者間臟治之。外用椒鹽葱頭地膚子煎湯熏洗。以導散結氣可也。

嘔吐

痘後嘔吐者。雖多主餘毒在胃。然有冷熱二症。如心煩作渴。食乳甚急。聚滿胸中。而後吐出。如射。其人面色帶赤。手足心熱。居處喜涼。或吐而且渴。且瀉者。此熱毒也。如乳食水漿而隨吐。其人面色青白。手足俱冷。二便清利。及吐而不渴。瀉而手足心冷者。此冷吐也。餘毒熱邪者。十有七八。胃虛挾冷者。十有三二。更有傷食而嘔者。但聞食臭即吐。而不能食是也。宜木香大安丸。有渴欲飲水。水入即吐者。此名水逆。乃邪熱挾積飲上逆也。宜五苓散主之。

癰疹紫點風

痘後有餘毒不散。發為癰疹者。癰者隱隱而成。疔瘡。抓搔癢更多。其治宜內服解毒防風湯。外用活蟬水以洗之。若色紅而癢甚。抓破出血。而猶癢者。此紫點風也。宜用荊防草胡麻生地牛蒡赤芍丹皮連翹之類。胡麻三十六風皆治之。而搔癢者。非此不除也。其疹者。皮間點點狀。

如蚊蚤所咬之迹。或如小芥子者是也。宜內服升麻葛根湯。不過隨其輕重疎解而已。

### 餘熱中風等症

凡痘瘡自初以來一向發熱。至於瘥後猶不退減者。此毒在心也。然亦有虛實二症。如大便難。小便赤。能食而煩渴者。此實熱也。宜先解裏熱。而表熱自解。如大便不閉。小便不赤。坐立振搖。飲食不甚進者。此虛熱也。以保元湯加麥冬。知母。虛甚者。加炒黑乾薑。或熟附子少許。以引火歸源。更有痘瘡方愈。榮衛正虛。不知避忌。忽遇節令氣交。而乃八方不正之氣。乘虛而入。病為中風。遍身青紫。口漱涎潮。手足痠癱。身反強直者。治宜以消風散二三服。或有作癰疹而愈。更有瘡後失於調理。以致陰陽偏勝。感冒風寒。寒鬱為熱。熱盛生痰。風痰攻擊。心火肝甚。痰乃上升。迷塞心竅。是以忽然昏迷。仆倒如癲。如癇者。論治不出化痰清熱鎮心。然氣血大虛之後。風火由假象宜多從根本治之。先天肝腎不足者。地黃丸料主之。後天心脾不足者。十全湯主之。

夫餘熱者。本虛熱也。蓋痘毒一解。則陰陽俱虛。痘後猶產後也。所謂火從空發之義。其熱多發於午後。但觀兩臉赤色。是其候也。虛甚則發熱。熱甚則譫語。在煩理之必然。切不可誤作熱治。此虛陽動作。謂之強陽。前後宜以保元湯。合四物湯。加減最要預為調理。否則日久成疳。喉痛咽啞。眼病疳蝕。風搖筋掌走馬牙疳諸疾。皆自此而作矣。若口疳不食。吹藥不應者。胃爛也不治。

失音

痘後失音。其症有二。咽痛而不能言者。此因毒氣結於咽喉之間。乃痰壅作痛。而不能言也。治宜清熱化痰利咽。解毒為主。更有心熱不能言者。是因心中邪熱未徹。腎虛不能上接清陽。雖有聲而不能言也。治宜清熱養心。滋陰益腎。以使坎離既濟也。

似瘧非瘧

夫痘後忽寒熱如瘧。如期即發者。此因脾虛氣弱。失於將忌。重感風寒。蓋脾主信。所以如期耳。宜先以柴胡桂枝湯發去新感表邪。後以調元湯加減主之。更有痘後氣血兩虛。是以氣虛生外寒。血虛生內熱。而似瘧非瘧者。切忌發散。惟宜大補氣血。而寒熱自己也。

骨節作痛

骨節作痛。俗名痘風。宜分氣血虛實。是毒非毒。是風非風。虛則補氣血之劑。畧佐風藥。實則清涼之劑。亦畧佐以風藥。風者。治風毒者解毒。仍須以養血為主。而風毒自化於中。若治之不愈。則大滋肝腎。蓋骨節之所。肝腎之屬也。

諸搐似驚附厥逆

痘後有非時搐搦者。亦有二症。有因餘毒在於心。留而不去。熱甚生風。風火相搏者。其人則必喉中有痰。目直上視。面赤引飲。居處喜冷。治宜清心瀉肝為主。又有病後多食。而胃弱不能勝穀。是以食熱發搐者。其人則必潮熱。而腹滿多煩。大便酸臭。秘瀉不調。或嘔吐腹痛。治宜為之。

消食佐以養胃。推揚穀氣而已。更有手足拘攣。屈伸不便者。乃血耗氣虛。不能榮養於筋。宜用十全大補湯。切忌誤作風治。反耗陰血也。更有痘後昏昧。不解識人。口常妄語。如邪祟狀者。此熱毒移入心包絡也。治宜清心調元。更有身不熱。口無妄。但卒然喜睡。狀如眩暈者。此因其人食少。而正氣素弱。痘出又重。幸調理得當。毒解得安。然邪氣既解。則正氣將生。乃否極泰來之象。宜調元湯。輕輕少與。喚之待其自醒。不可擾亂。人不知此。凡見悶亂。便將抱動呼喚。號哭。神氣一散。為不救者多矣。更有手足如冰。名為厥逆者。若發於痘出正盛之時。則十無一生。若於病愈。氣血久虛。脾胃大困者。亦宜調元湯加減用之。

### 咳嗽脇痛

咳嗽者。痘疹常症也。有寒有熱。有實有虛。如自初出而咳嗽。至今未愈者。此肺氣不斂也。宜斂之。潤之。如咳而熱。大便難。小便赤。或咳出血。肺葉焦舉者。此熱毒也。宜清利之。如咳而大便溏。小便清。身無大熱而不渴者。此為虛也。宜補益之。若向不咳。而今始咳。兼有鼻流清涕等候者。此風寒外感也。宜疎散之。更有咳嗽而兩脇疼痛者。是餘毒在中。而陰陽之氣不能升降也。經曰。左右者。陰陽之道。路兩脇之謂也。治宜但為解毒順氣。然亦有氣血兩虧。陰陽不暢者。則宜調養氣血。而所苦自己。

### 吐利蛔蟲及蛔厥。狐惑。疳蝕。走馬疳。赤白口瘡

痘後而吐利蛔者。此熱毒入裏。其蟲為熱所蒸而出。熱在胃。即吐蛔。熱在腸。即利蛔。利者。黃芩

湯加桃仁艾葉吐者黃芩半夏湯加烏梅川椒更有素不吐利若聞食臭即吐而食已易饑者此因胃虛已久蟲無所食故聞食臭即吐而食已易饑也若吐蛔而手足厥冷者是為蛔厥並宜理中湯加烏梅川椒主之切不可投以史君檳榔之類蟲未傷而人先困也更有雖不吐利而內蝕臟腑乃為狐惑之症其人好睡默默不欲食如上唇有瘡則蟲蝕其肛下唇有瘡則蟲蝕其臟其聲啞啞上下不安故名狐惑亦因水穀久虛蟲無所食故內蝕臟腑及肛而外見唇口也此候最惡疥疹後成者尤多治宜化蠶丸主之如便結者則以桃仁承氣湯加槐子利之若至唇落鼻崩牙脫失聲者不治更有只於牙齒齧肉潰爛者此因痘疔脫去痰水浸漬為疳蝕瘡也宜用綿蠻散傳之若氣臭而血出者此又名為走馬疳瘡是由熱在陽明也宜內用黃連解毒湯外敷馬鳴散若至唇腫而浮穿鼻破頰潰喉腐肉飲食不下者不治凡口唇生瘡而赤者名曰赤口瘡熱在心脾二經也白者名曰白口瘡又名鵝口瘡熱在心肺二經也並用洗心散服之大便秘者並用四順飲利之然有脉微無力脾元中氣虛寒不能按納下焦陰火上浮而為口瘡者宜服附子理中湯即愈

腹痛

夫痘疹未出而腹痛者毒內攻也至於痘後則毒氣常解無復壅遏而腹痛者其症有三有因大便不通燥屎作痛者有因胃虛不能消穀而腹痛者燥屎痛者病在下焦傷食痛者病在上焦此皆手不可按者也如原食少大便常潤忽爾作痛者虛寒症也此病在中焦必喜熱手

摩按者是也。上者消之。下者利之。中者溫之。

### 發渴

夫痘遠發渴亦是常症。惟至痘後毒解。則渴症亦當愈矣。如忽渴欲飲水者。是心胃二經受其邪熱。故乃咽燥膈焦而然也。必能食而大便秘小便赤。舌燥咽乾。宜人參白虎湯加黃連主之。若食少而大小便調。雖好飲傳伏湯。其咽間不燥者。此脾胃虛而津液不足也。宜人參麥冬散加減主之。如身熱作渴。手足微冷者。是脾胃氣虛不能以行津液也。宜人參白朮散主之。如腹脹泄瀉。或寒戰咬牙者。是脾胃虛寒也。宜十一味木香散主之。如泄瀉氣促。手足並受者。是脾氣脫陷也。宜十二味異功散主之。

### 汗

痘後盜汗自汗者。肌肉虛。衛氣弱。榮血熱也。治宜清心調元為主。盜汗偏於養陰。自汗專於補陽。此其治也。若渾身如水而髮潤者。或汗出如珠者。皆亡陽之症。治何益焉。

### 失血

痘後失血者。多出餘毒熱邪迫血妄行也。然因脾虛不能統血者亦有之。自鼻而出者。投以玄參地黃湯。自溺出者。則用八正散。自大便出者。則用桃仁承氣湯。先削其熱邪。次各導血歸經而已。如大便秘者。並用因順氣涼飲主之。然衄者熱在衛而不動於內。溺便者熱在榮而有傷於中。故衄症輕而溺便者為重。然陰虛火動而迫血妄行者。宜養陰以斂之。若陽虛不能攝血。

而妄行者宜補脾以統之。勿概用清涼也。

### 津液不足

夫人之有津液。猶天之有雨露。海之有潮汐也。天無雨露則旱。海無潮汐則涸。人無津液則渴。甚至痘後變症喪亡。然若心胃間有熱。而火炎於上。乃少津液者。必主煩燥喘渴之疾。若臟腑有熱。而火益於下。乃少津液者。必主狂叫閉塞之疾。若脾熱而少津液。則渴瀉。肺熱而少津液。則燥嗽。肝熱而少津液。則眼羞明。若風熱攻破咽喉。而少津液。則乃音啞。若用藥發舉太過。而少津液。則乃潰亂。若骨肉虛。而少津液。則肉瞤筋抽。骨節疼痛。治法貴分虛實。而大畧不外乎除熱生津二者而已。然更有釜下無火。而鍋蓋乾燥者。當用水中補火之法。尤為生津液之源也。

### 狂叫喘呼

諸燥擾狂越。皆屬於火。然痘後狂叫喘呼之症。有二。或因熱毒尚存。不得發越者。治宜清涼解毒。或從其勢而發之。或因臟腑熱燥。而無津液者。治宜微加利水。以導心熱。蓋心火降。則腎水生。而諸熱自退。又當兼用清熱滋陰之藥。若純利其水。則水大而燥熱益甚矣。

### 論調養

凡當痘後。瘡疤柔嫩而未實。腸胃氣弱而未強。外宜謹避風寒。內宜調理飲食。犯時微若秋毫。成病重如山嶽。即依法亦不宜太遲太早。太早則癰嫩易風。太遲則皮燥生瘡。故必須遲月餘。

方煎荆芥及榆槐柳艾葉湯浴之。忌服升麻朴不入黃蘗黃之劑。及食密水西瓜柿梨栗橘柑子白菓酒糟芥菜葱韭薤蒜獐兔雞鵝羊牛鮮魚生冷等物。所宜食者。腰子猪肉圓眼胡桃蓮肉紅棗淡薑乾菜之類。其甘甜之物。亦不可恣口。恐成口瘡也。

### 預兆

夫順祥者福之基。妖孽者禍之萌。凡出痘之家。最宜內外肅靜。吉之兆也。若有鴉鼠喧鬧。虛嚙火光。蝙蝠入室。葱蒜撲人。犬哭無時。蛇呈非候。夜生怪夢。病見死人者。是皆不祥之兆。然外兆雖微。而內修克謹。亦可轉禍為福也。

### 餘毒證治歌括

痘瘡輕者自無乘。逆險從來有後災。不是毒邪根裏得。或因調治誤中來。痘後留邪作腫癰。或為結核論相同。但將毒氣分深淺。莫使餘臬透骨縫。看症在何經。用引經。腫時不與潰時論。補中托裏分虛實。決毒排膿視淺深。毒散皮膚有數癩。或為癰疹或成丹。丹瘤凝結從深論。癰疹分疎作淺看。而今泄利又何如。治法難將一例拘。能食渴多知是熱。脈微食少又為虛。泄瀉古人原有別。腸垢驚瀉分冷熱。若還膿血併痂皮。勿使湯丸輕止澁。一向蒸蒸熱未除。治宜詳審勿差殊。便難煩渴方為實。清便饑疲本是虛。終日昏昏似醉人。口中妄語若邪侵。誰知熱入心包絡。解毒安神泰字精。

沉沉喜睡不知人。飲食俱妄喚不醒。邪毒從今都解散。精神自此漸和平。  
痘後須知氣血虛。百般疾病貴調持。若兼痼突癰紅紫。解毒涼榮作有餘。

馮氏錦囊秘錄痘疹全集卷十二

婦人科痘疹

松江蒲溪李林薇啟賢氏重校

男 乾亨禮齋

海鹽馮兆張楚瞻甫纂輯

門人王崇志慎初全較

男 乾吉佑民

### 論女人出痘經至

夫男女患痘固無異也。但痘以氣為主。而血為附。故氣以煦之。血以濡之。一或不足。則變生焉。女子乃係陰質。十四歲已後出痘者。常恐天癸之行。榮血一走。衛氣隨虛。即成陷伏。惟斯異耳。然有痘疹發熱。却非天癸之期。經水忽行者。此因毒火內動。擾亂血海。是以迫經妄行。未及期而至也。其瘡必多。其毒必甚。宜玄參地黃湯。涼血解毒為主。使熱得清。毒得解。痘得出。經水止。方無變患。如久不止。則中氣虛弱。而成陷伏。十全湯補而托之。更有發熱之時。正值天癸之期。經水適來者。此則積污得去。毒亦稍解。熱隨血清。而瘡自出。不須施治。更不必止之。惟過四日而猶不止者。是又邪乘血室之虛。而迫血妄行。為內動中虛之症矣。宜先服小柴胡。加生地黃湯。以清血室之熱。後用十全大補湯。以補氣血之虛。令易出易發。易靨可也。更恐經走則虛觸其惡氣。則痘乘虛多變。宜用元芩煎湯。洗淨其外。兩以香艾揉熟。去梗。淨布包裹。緊納陰中。時時更換。再服參耆歸地升麻殭蠶蟬退之類。虛寒者。加入炒黑乾薑。

### 論女人經後證治并居經症

論女人出痘經至經後證治經症

比發熱之時。適因經水方斷。是以血分空虛者。須早服柴胡四物湯。以防毒邪乘虛而入。若已憎寒壯熱。神識不清。見聞狂妄。言語錯亂。尋衣撮空者。此因血室空虛。而熱邪已入血室。血室者。衝脉是也。而肝主之。治宜四物湯。合導赤散。加麥門冬與安神丸。相間服之。更凡女子經閉者。謂之居經。滿而不瀉。病在心脾。瘡疹之毒。本屬於心。又脾為主者。心脾先病。則血室不行。衝任之間。已多積垢。勢必至於瘡疹之火。鬱於命門胞戶之中。當出不出。毒邪留伏。致虛乘戾者。理所必矣。是故發熱之初。當即滌除停垢。宜桃仁承氣湯主之。後以四物湯合勻氣散。加紅花木通治之。固不可使其有盈。更不可使其有虧也。倘雖居經。而痘起脹如常。飲食如故。而無腹痛他苦者。亦不必過於治也。復有血海乾涸。經水不通。而適逢出痘者。治法亦宜調其心脾。使裏氣既和。邪無留伏。而日外出。否則毒鬱衝任之間。二熱併發。互為攻擊。則血妄行不止。或毒不出。而為喘息。為腹脹。為陷伏矣。

論經後失音及陷伏

凡女子出痘。經水忽行。乃暴瘡不語者。蓋心主血。舌乃心之苗。血去則心虛。心虛則少陰之脉不能上榮於血。故卒失音不語也。宜先以當歸養心湯。養心血。利心竅。待其能言。則以十全大補湯調之。更有因值月事大行。是以瘡不起發。不光壯。不飽滿。不紅活。頂平陷。色灰白。或青乾黑陷者。此皆裏虛之候。瘡復陷入也。治宜十全大補湯。奪命丹相間服之。如瘡胖脹紅緹。或瘡空中再出一番者。俱為大吉之兆。若加脹喘促譫妄。悶亂寒戰咬牙。手足厥逆者。必死之症。